



ZAPISNIK

Sa 50. sjednice Upravnog odbora JU "Kantonalnog Zavoda za zaštitu kulturno-historijskog i prirodnog naslijeđa Sarajevo" održane u prostorijama Zavoda (ul. Josipa Štadlera br. 32) u utorak, dana 23.5.2025. godine (petak), sa početkom u 13:00 sati.

Sjednici su prisustvovali: Azra Koldžo, predsjednica Upravnog odbora, članice Selma Karačević-Kapić, Elša Turkušić-Jurić i Azra Šarić te direktor Zavoda Boris Trapara. Članica Upravnog odbora Ivona Čolić bila je opravdano odsutna.

Predsjednica Upravnog odbora Azra Koldžo predložila je sljedeći Dnevni red za usvajanje:

DNEVNI RED

1. Usvajanje zapisnika sa 49. sjednice Upravnog odbora,
2. Izmjena Pravila JU „Kantonalni zavod za zaštitu kulturno-historijskog i prirodnog naslijeđa Sarajevo“ ;
3. Usvajanje Etičkog kodeksa radnika Javne ustanove Kantonalni zavod za zaštitu kulturno-historijskog i prirodnog naslijeđa Sarajevo i
4. Ostalo.

Dnevni red je jednoglasno usvojen.

AD – 1 Upravni odbor jednoglasno usvaja Zapisnik sa 48. sjednice UO-a.

AD – 2 Direktor Zavoda predstavio je Izmjenu Pravila JU „Kantonalni zavod za zaštitu kulturno-historijskog i prirodnog naslijeđa Sarajevo“, a ista se odnosi na dopunu člana 13. (Pečat, štambij i zaštitni znak-logotip Zavoda). Izmjena Pravila u ovom smislu predložena je na prošloj sjednici Upravnog odbora kada je predsjednica Upravnog odbora predložila da se uz tekstualni opis u članu doda i grafički prikaz logotipa, kako je to uradila druga ustanova JU Sarajevski ratni teatar SARTR. Nova dopuna člana 13. sadrži grafički prikaz zaštitnog znaka-logotipa Zavoda.

Izmjena Pravila JU „Kantonalni zavod za zaštitu kulturno-historijskog i prirodnog naslijeđa Sarajevo“ jednoglasno je usvojena.

AD – 3 U vezi sa novim Etičkim kodeksom Zavoda, predsjednica Upravnog odbora imala je upit u vezi sa članom 14. gdje je navedeno da se u Zavodu mogu koristiti elektronske cigarete, tačnije da li je navedeno usklađeno sa novim zakonskim i podzakonskim propisima kojima je uređena zabrana pušenja. Nadalje, članica Selma Karačević-Kapić iznijela je stajalište da član 12. (Ophođenje sa strankama), reguliše obaveze uposlenika u odnosu na stranke na način koji ih dovodi u otežan položaj da nesmetano i bez pritisa obavljaju svoje poslove. Članica Elša Turkušić-Jurić je pak



**KANTONALNI ZAVOD ZA ZAŠTITU
KULturno-HISTORIJSKOG I PRIRODNOG NASLIJEĐA
SARAJEVO**

**INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO**

problematizirala član 2. stav (2) kojim je utvrđeno da radnik Zavoda nije odgovoran za mišljenje izneseno i odluku donesenu u dobroj vjeri i u skladu sa najboljim znanjima i vještinama u toku izvršavanja službenih dužnosti, povjerenih zadataka i dodijeljenih ovlaštenja.

Cijeneći navedene primjedbe, usaglašeno je da se materijal vrati na dodatno razmatranje i doradu.

Sjednica je zaključena u 14:00 sati.

Zapisnik pripremila
Azra Koldžo

Predsjednica Upravnog odbora

Azra Koldžo

Dostaviti:

1. Ministarstvu kulture i sporta Kantona Sarajevo,
2. Članovima upravnog odbora (elektronskim putem),
3. Direktor,
4. Stručnom saradniku za JN, obračun i likvidaturu,
5. Arhivi UO,
6. Arhivi Zavoda.